



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : TAI PO OLD MARKET PUBLIC SCHOOL

學校名稱 : 大埔舊墟公立學校

Name of Play 劇名 : 怪獸家長大戰繁忙兒童

Script writer 劇作者 : 葉韻霞 (老師)

Synopsis 故事大綱 :

現今的小朋友已變成繁忙兒童，日日的行程排得密密麻麻，皆因社會對「未來棟樑」的要求甚高，父母們都希望子女贏在起跑線，希望子女十項全能，更有競爭力。可是，小朋友們的童年呢？是否只在學習中度過？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一幕：繁忙兒童的繁忙生活

《怪》曲

媽 1 阿女，起身食早餐啦！咪又系洋蔥炒蛋，等佢食左聰聰明明呀嘛。
嘩，你仲系張床度呀 BB ,快 D, 快 D, 快 D 起身！

(女翻床上繼續翻)

女 得啦

媽 1 因，你估我買左咩比你？無錯呀，就系補充練習呀！

媽 1 (向空中拋獎狀) (唱完)

女 得啦，得啦，得啦！(起身著衫梳洗)呀媽咪，今個星期六呢我想去……

媽 1 (邊幫忙邊念念有詞) 呀！今日放學後 3:00 你要去灣仔上小提琴班，4:30 要去沙田上數學解難班，5:45 要出返尖沙咀學英文拼音呀，7:00 要學游水……仲有……

女 唔系呀媽咪，我想話今個星期六呢我想你地同我去野餐呀，吹下泡泡，放下風箏不知幾開心呀！

媽 1 女呀，吹咩泡泡啫，吹牧童笛仲好啦！落返黎啊！仲有呀，放風箏邊好玩啫，拉下小提琴好過啦。

女 點同呀？

媽 1 吹牧童笛吹泡泡都系吹啫！仲有呀，小提琴同風箏咪又系一樣，有線既，拉下拉下拉下，拿拿拿(做動作)，系咪？

女 這樣也行？(好騾)救命呀！壓力太大，要爆啦！（耍功夫後）呀~!

媽 1 哼！小兒科啦！拿！睇住黎啦！（耍功夫後）呀~!

祖母 你地系度做咩呀？

媽 1 無呀！我地做梗親子活動咋嘛！呀！系喎夠鐘 tim，快 d 行啦！

祖母 家嫂！

媽 1 (發抖)咩事呀奶奶？

祖母 哎吔，家嫂，你唔好迫得佢咁緊啦，俾 d 空間佢啲下氣先得架。

媽 1 無氣啱？點會呀奶奶，上興趣班都系玩之嘛，不知幾開心呀。

女 咁好玩，一齊玩呀！（媽 1 作狀打女）

媽 1 （語重心長地）再講呀，我安排咁多野俾佢學，系為佢好架。

祖母 我知，但系……(扯住女)

媽 1 奶奶，而家個個都要贏在起跑線，(望表)，如果唔系我使咩成日用埋 D 平價護膚品化妝品咁，慳返 D 錢俾佢上堂呀！(扯住女)

祖母 我知，之但系……(扯住女)

媽 1 奶奶，而家既小朋友註定要系繁忙兒童架啦，個個都要贏在起跑線，(望表)拿，而家就黎輸在起跑線啦下。(祖母無奈放手)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

女 死啦!

媽 1 咩呀?

女 媽咪，你又多左條皺紋 WOR

媽 1 衰女包，(追女打台左走)

(女回到學校課室)(課室內已有她的死黨在談天)

同學 A 喂，今日咁遲既?

女 唔好提啦!

同學 B 咁野餐個度問成點呀?

女 佢叫我吹牧童笛和拉小提琴喎!

同學 C 下?關咩事呀?你阿媽變態架?

同學 D 唉!唔好騷，D 阿爸阿媽系咁架啦，成日話我地系咩未來社會棟樑喎，佢地都識講啦，未來呀嘛，未來先算囉，呵?

同學 A 啱聽!成日話上興趣班都系玩架咋嘛，點會無得玩，玩左啦!

同學 B 成日就系度(扮阿媽口吻) 快 D 快 D 快 D 快 D 啦~~~~~!!!!

(眾大笑到無氣後)

女 你話如果可以俾佢地試下我地呢種講唔出既無奈就好啦!唉!!

同學 C 咪再發夢啦……無可能架啦!

同學 D 生於呢個年代就註定要做繁忙兒童架啦!

女 唉，今晚 10 點你都唔使指意返到屋企呀!

眾 仲要做功課喎!好眼瞓呀!

同學 C 仲唔快 D?快 D 快 D 快 D 呀!

同學 ABCD 你變左阿媽呀!救命呀! (同學 C 追同學,眾台左出)

第二幕：還原靚靚水

(兩母女回到家已是晚上)

媽 1 你快 D 換衫做功課呀下，我去落妝先。如果唔系呢今晚唔比電視你睇呀下!

女 下?從來都無得睇架啦!(媽背向觀眾坐在床上)

送貨員 啊，睇下先，系呢度啦……尋寶網送貨呀!

送貨員 你睇下啱唔啱，啱就答名啦!

女 媽咪，你系尋寶網買既野送貨黎啦!



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(收貨後一邊睇一邊行去沙發一邊說)

女 哦，就系上次你叫我幫你撇掣落單嗰 D 咩營養飲品呀？

媽 1 (狀甚興奮敷住 mask 轉身面向觀眾) 哎咗，送左黎啦？我支「還原靚靚水」呀！好有效架！

(媽 1 女定格)

(台左推銷員及 Show Girl 出，作誇張介紹)

推銷員 2 「還原靚靚水」是由高山泉水提煉，加入神仙花精華及 180 種維他命，飲用後可以令你的細胞有活力，回復青春美麗！

尋寶網用家 我以前都唔信架，原來一分錢唔只一分貨架，我用完後，成個靚曬，年青左十年呀，家下我都五十幾歲咯，系咪唔似呢！老公仲贊我識慳錢添。

尋網眾 所以話「還原靚靚水」系你信心保證！

(推銷員及用家台左走，媽女解定格)

女 尋寶網 D 野信唔過架。

媽 1 平呀嘛，慳返 D 錢比你去上興趣班、補習班呀！唔同你講啦，你都唔明阿媽既苦心既。你快 D 去做功課呀下，阿媽要一邊飲「還原靚靚水」，一邊敷返個 MASK 先。

女 (無奈開始做功課) (女因為太劫慢慢瞓著左)

媽 2 (穿著 OVERSIZE 衣服出場，如舊叫阿囡起身返學) 嘩，你系度瞓著左呀 BB ,快 D, 快 D, 快 D 起身！

女 (睡眼惺松+伸懶腰後->張開眼見到變細左既阿媽->目瞪口呆) 你系邊個黎架？

媽 2 (狀甚興奮) 做咩呀？還原靚靚水真系咁有效？我後生左你唔認得阿媽呀？

女 (繼續維持目瞪口呆，伸手遞左塊鏡俾媽) (驚訝樣) 下？點解咁架？呀，件衫咁大既？

女 (突然狂笑) 哦，我知啦，唔系你件衫大左，系你縮細左呀。都話左你尋寶網 D 野信唔過架啦，哈哈……

媽 2 仲笑，快 D 幫我睇說明書呀！

推銷員 1,2 親，多謝你選用我地既服務。

推銷員 1 「還原靚靚水」是由高山泉水提煉……

媽女 快 D 講重點！

推銷員 2 加入神仙花既精華，飲用後可以令你的細胞有活力……

媽女 講重點！

推銷員 1 貨品效果因人而異…….

媽女 (憤怒地) 而家你講唔講重點呀下？！

推銷員 2 一般有效期為 24 小時……(邊講邊向台左逃走)

媽 2 女 咁都無咁驚！

媽 2 死啦，今日星期六呀呵！

女 系呀，咁點呀？

媽 2 你夠鐘上興趣班啦！咁而家咁，咁點呀？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

女 不如留系屋企啦！(偷笑)

媽2 (識破奸計) 唔得，比左錢架啦！……我照送你去!

女 下?!

媽2 行啦!

(媽扯女快跑)

(補習社場)(媽女索氣到達)

阿 SIR 今日帶埋阿妹黎呀？

女 (媽女打眼色) 系呀系呀，我阿媽今日去左打牌呀(媽暗中 MET 女,怒目而視，女忍痛)，所以無人睇住阿妹，我可唔可以帶埋佢入去上堂呀。

阿 SIR 咁呀，好啦！一次咁多咋！快 D 入黎開始啦!

媽2 女 我要走先!

(媽女趕去芭蕾舞班)

舞眾 快 D 啦!開始啦!(媽暈,舞走)

(再趕去跆拳道班)

跆拳道眾 Riding stand ! (媽抽筋,跣走)

女 (喘氣) 媽咪，快 D 啦，仲要趕去上英文班呀!(媽低頭唔出聲)

(喘氣): 呀，同埋畫班呀！

媽咪，快 D 快 D，快 D 啦!

媽2 夠啦!!!! (女驚)(接著自言自語) 平時我坐系出面等阿囡上興趣班，都唔覺咁辛苦架喎！

女 咩話？

媽2 無野啦！

女 咁快 D 行啦，趕住回家做功課呀！

媽2 抖陣先得唔得呀?(邊偷偷做辛苦樣)

(屋企場景)(媽女做功課中)(爸回家)

媽2 快 D 做功課呀!

爸 我返黎啦！

媽2 (習慣性地回應) 哦，返黎啦，雪櫃有湯呀，自己叮返熱啦！

爸 (爸媽對望) 你系……邊個啊?

女 我同學呀！媽咪去左家長會呀！

爸 哦！家長會呀！Hi !我就系佢個靚仔老豆啦!

媽2 Hi ! (嘔)

爸 喂，同學仔，叔叔最近呢打緊只 Game 好勁呀，嗱你睇下!



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

媽 2 (好惡) 成鬼日掛住打機呀你！又唔幫手做家務！

(爸疑惑表情，媽驚穿煲樣，女幫忙辯駁)

女 佢意思系贊你打得叻呀！

爸 哦，而家 d 後生女表達方法咁奇怪既，唉，算啦，講返我只 **Game** 先，拿，佢就叫「贏在起跑線」，揀個 **BB** 角色就可以比賽架啦，玩家就要從小培養佢成才……

爸 (旁述) 一出閩既時候……呀！唔系，系一出世既時候，**BB** 就要快速成長啦，未學行就要學識預書包，你睇佢地個個幾咁精靈醒目呀，升 **le** 啦升 **le** 啦!!佢地跑呀跑呀，谷左 **d** 成長因數出黎，嘩！打波跳舞琴棋書畫樣樣識呀！嗶嗶嗶最緊張既時刻到啦，究竟 **3** 只馬仔……呀唔系，系 **3** 個人仔系龍系鳳定系蟲呢？啊！沖線啦！獎牌多到阿媽 **d face** 返曬黎呀！所以話呢，贏在起跑線系幾咁重要呢！

女 咩你個 **GAME** 咁變態架，搞到我地呢 D 小朋友無曬童年……

爸 咩呀，你阿媽都系咁幫個女鋪路架啦！而家個個家長都系咁架啦，同學仔，你阿媽唔系咁架咩？

媽 2 我阿媽唔系咁架，我做左人阿媽先變成咁咋。

爸 下……唔玩住啦，好叻呀，瞓陣先。女，快 D 做埋 D 功課補充呀下！

(媽邊摸女頭)

女 知啦！

媽 2 記得你出世時，我只希望你可以健康、快樂，我已經好滿足。

媽 1 阿女，對不起！（抱緊女痛哭）

女 媽咪，你無事啦？

祖母 家嫂，人生唔系一場 **100** 米短跑，而系馬拉松，要開心，要跑得舒服，先有堅持下去的動力。唔使急於贏在起跑線架！

媽 1 點解……點解……我會變左怪獸自己都唔知，你做幾多野學幾多野都好似唔夠咁……攞到你無曬童年，我……我……我……呢個媽咪真系……

女 媽咪，你唔好喊啦，其實，我都知你系為我好，我又唔系唔想上興趣班既，只系，我都好想有返玩既時間，不過唔系上興趣班等如玩嗰種，系可以好自由自在嗰種玩呀，你明唔明呀？

媽 1 我明，我真系明。女，不如甘呀，今個星期六我同你去野餐、吹泡泡、放風箏，好無？

女 好野！

爸 野餐？好呀好呀！

女 好！好過你成日打機呀！

(媽女邊討論野餐食咩邊向台左走)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第三幕：又嚟？

爸 好口渴呀！老婆，有無野飲呀？

媽 1 枱面咪有囉！

爸 可樂？咁肥！咖啡？飲左今晚瞓唔著。還原靚靚水？咩黎架，梗系老婆又系尋寶網買埋曬D唔等使野，哼！哇曬D錢，知唔知我做野咁辛苦賺得雞碎咁多，唉！

媽 1 咩哇錢話？

爸 無野無野！我自己講野啫！.....唔系喎，試下都好啱！

媽女 （沖出）唔好飲呀！

—全劇完—